



“Biblioteka putem knjige do škola”

Partner: JU narodna i univerzitetska biblioteka “Derviš Sušić” Tuzla



Cilj inicijative: Razvijanje čitalačkih navika kod djece.

Sažetak inicijative: JU OŠ “Miladije” ima centralni objekat u naselju Miladije i područni objekat koje pohađaju učenici od I do IX razreda. Tokom sastanka obrazovne mreže partnera Miladije, aktualizirana je potreba za dodatnom podrškom u razvijanju čitalačkih navika kod učenika JU OŠ “Miladije” kroz povezivanje učenika područnog i centralnog objekta škole. Povezujući plan rada biblioteke sa potrebom škole, a koji podrazumijeva saradnju sa školama, predstavnici biblioteke su pokrenuli inicijativu osnivanja čitalačkih klubova i organizovanja zajedničkih čitalačkih susreta s učenicima iz oba objekta.

Aktivnosti inicijative: Ciljna grupa su bili učenici od I do IV razreda. Osnovani su čitalački klubovi u oba objekta koji su brojali po 20 učenika u svakom. S obje grupe učenika su jednom mjesečno u trajanju od 4 mjeseca organizovani susreti čitanja. Učenici su imali priliku posjetiti biblioteku prilikom čega su učestvovali u interaktivnim radionicama i kvizovima. Na području kvadratnog kilometra obrazovanja Miladije postoji društveni centar koji se fizički nalazi između dva školska objekta. U prostorijama društvenog centra, organizovani su čitalački susreti učenika iz oba objekta. Kao završna aktivnost, u prostorijama gradske biblioteke, organizovana je manifestacija obilježavanja Svjetskog dana knjige po principu djeca - djeci. Na manifestaciju su pozvani predstavnici svih škola uključenih u projekat “1 kvadratni kilometar obrazovanja”. Učenici svake škole su pripremili po jednu scensku tačku koja je bila povezana sa nastavnim praksama čitalačke pismenosti i koju su predstavili svojim vršnjacima.



Rezultati inicijative:

- Oformljeni čitalački klubovi učenika čije vođenje su preuzeli uposlenici škole;
- Učenici posjetili gradsku biblioteku. Za neke učenike to je bilo prvi iskustvo. Međusobno su se povezali i uspostavili prijateljstva;
- Uspostavljen novi vid saradnje škole i gradske biblioteke uključujući zajednička obilježavanja značajnih datuma.